

Minnesota Bill of Rights Rau Cov Neeg Tau Kev Pab Hauv Tsev

Ua ntej yuav txais kev pab, cov neeg xav tau kev pab hauv tsev muaj cai paub txog qhov chaw xa neeg tu ntawd cov cai, uas cuam tshuam nrog txoj caij li choj no. Lawv yeej muaj feem paub txog lawv cov cai rau lawv ntiag tug thiab paub txog cov hauv kev uas yuav los pab tau lawv tib yam nkaus, nyaj tsam ho muaj tib neeg yuam lawv cai. Cov ntaub ntawv no yuav tsum muab hais kom yooj yim thiab siv cov lus uas lawv tuaj yeem nkag siab tau. Lub chaw xa neeg tu yuav tsum tau hloov pauv lawv cov kev coj thiaj li haum rau cov neeg tau kev pab hauv tsev uas tsis taus thiab cov uas paub lwm hom lus uas tsis yog lus Askiv. Yog cov neeg muab kev pab cuam ua txhaum cov cai hauv ntu no, lawv yuav raug nplua thiab yuav raug txim:

Cov neeg muab kev pab cuam yuav tsum ua xws li nram no:

- Muab daim ntawv ceeb toom txog ntu [144G.91](#) rau cov neeg xav tau kev pab hauv tsev ua ntej lawv yuav tau txais txoj kev pab tu lawv. Daim ntawv yuav tsum tau sau ua hom lus uas tus neeg ntawd tuaj yeem nkag siab tau.
- Daim ntawv ceeb toom yuav tsum tau muaj ib seem qhia txog cov lus tsis txaus siab thiab cov cai foob los ntawm txoj kev tsim txom. Tsis tas li ntawd xwb, yuav tsum muaj ib nqe lus teev hais tias lub chaw xa neeg tuaj tu, cog lus yuav tsis khw siab phem ua ib nqag tawm tsam tus tib neeg uas foob lawv vim txoj kev tsis txaus siab.
- Txais tsab ntawv tim khawv uas tus neeg xav tau kev pab hauv tsev tau kos npe rau. Daim ntawv teev tias, tus neeg ntawd yeej tau txais cov ntawv ceeb toom thiab yeej paub txog cov hauv kev thiab cai uas yuav tiv thaiv tau nws. Tab txawm hais tias tus neeg tsis txaus siab kos npe rau daim ntawv los, yuav tsum tau muaj cov ntawv teev tias yog vim li cas nws thiaj li tsis muaj kev koom tes. Tsis tas li ntawd, txhua yam ntaub ntawv los yeej yuav tsum tau muab ceev cia rau tus neeg tau kev pab hauv tsev cov ntaub ntawv tib si.

Txoj Cai Raug Rau Leej Twg

Cov cai Bills of Rights no raug rau cov neeg nyob cov tuam tsev assisted living uas muaj neeg pab tu lawv hauv Minnesota.

1. Kev tu thiab kev pab cuam uas tsim nyog.

Cov neeg tau txais kev pab hauv tsev muaj cai tswj lawm txoj kev tu thiab kev pab raws li lawv siab nyiam thiab ua kom tsim nyog raws li cov kev pab cuam qauv ua tau hloov tshiab ntawm kev kho mob.

Cov neeg txais kev pab hauv tsev muaj cai txais kev kho mob thiab kev pab los ntawm cov neeg ua tau txais kev cob qhia thiab muaj peev xwm ua tau cov dej num raws li tau pom zoo hauv daim ntawv cog lus txais kev pab hauv tsev thiab daim ntawv npaj kev pab cuam.

2. Kev tsis kam txais kev tu los sis kev pab cuam.

Cov neeg tau txais kev pab muaj cai tsis kam lees txais kev tu los sis kev pab cuam. Lub tuam tsev uas xa cov neeg tu thiab kev pab cuam yuav tsum qhia seb yuav muaj teeb meem tshwm sim li cas rau nws yog nws tsis kam lees txais kev pab thiab kev tu, xws li dab tsi yuav tshwm sim txog nws txoj kev nyab xeeb, kev noj qab haus hus los sis kev xav.

3. Kev koom tes txog txoj kev tu thiab kev npaj kev pab cuam.

Cov neeg tau kev pab hauv tsev muaj cai koom tes txog txoj kev npaj, hloov kho thiab ntsuam xyuas lawv cov kev tu thiab kev pab cuam. Txoj cai no pub:

- Lub caij nyoog los tham txog kev tu, kev pab, kev kho mob, thiab txoj kev xaiv tus neeg yuav los pab tu;
- Tus neeg txais kev pab coj nws tus tswj xyuas thiab neeg sawv ces tam nws los sis tus neeg nws xaiv los tham; thiab
- Nws paub ua ntej thiab muaj kev koom tes txiav txim txog txoj kev hloov kev tu thiab pab hauv daim ntawv pab cuam.

Tus neeg pab txhawb uas raug xaiv

- Raws li nqe lus kawg hauv qab no, ib lub chaw saib xyuas neeg yuav tsum tso cai, yam tsawg kawg nkaus, rau ib tug neeg pab txhawb uas tus tau kev saib xyuas tau xaiv kom los nyob tim ntsej tim muag nrog nws, thaum nws tseem nyob hauv lub chaw saib xyuas;
- Lub ntsiab lus ntawm nqe lus no “tus neeg pab txhawb uas raug xaiv” txhais tau hais tias nws yog ib tug neeg uas tus neeg tau kev saib xyuas xaiv los pab txhawb thiab nplij nws. Qhov no suav nrog, tab sis tsis txwv rau, nws tus txij nkawm, nws tus khub, nws ib tug neeg hauv tsev neeg, los sis lwm tus neeg uas muaj kev txheeb ze los ntawm kev sib raug zoo.
- Ib lub chaw saib xyuas neeg muaj cai txwv los sis tsis pub tus neeg pab txhawb uas raug xaiv nrog tus neeg nyob, yog tias nws coj tau tus cwj pwm phem los sis phom sij rau lwm tus. Lub chaw kuj yuav txwv tau kom tus neeg pab txhawb txhob nrog tus neeg uas tau kev saib xyuas nyob ib ntus yog hais tias lawv muaj kev ntseeg tau hais tias nws tau nyob hauv lawv qhov chaw ntev tshaj qhov tsim nyog. Yog tias lub chaw txwv los sis tsis pub tus neeg pab txhawb nrog tus neeg tau kev saib xyuas nyob, tus neeg tau kev saib xyuas muaj cai xa daim ntawv tsis txaus siab los sis nug txog qhov no nrog lub chaw raws li subdivision 20, los sis nws kuj muaj cai xa ntawv mus rau Office of Ombudsman for Long-Term Care, los sis Office of Ombudsman for Mental Health and Developmental Disabilities txog qhov teeb meem no.

4. Kev kho muaj kev hwm thiab kev ncaj ncees.

Cov neeg tau kev pab hauv tsev muaj cai txais kev hwm thiab kev saib taus nws, thiab yuav tsum tau hwm tus neeg txais kev pab tej vaj tsev.

5. Kev ywj pheej tsis raug kev tsim txom.

Cov neeg tau kev pab hauv tsev muaj cai kom tsis txhob raug kev tsim txom rau ntawm lub cev, kev quab yuam deev, thiab kev puas siab puas ntsws; kev saib tsis taus; kev raug ntias nyiaj siv; thiab txhua yam kev tsim txom uas nyob hauv txoj cai Vulnerable Adults Act.

6. Txoj cai los mus thiab los tau ywj pheej.

Cov neeg tau kev pab hauv tsev muaj cai nkag mus thiab tawm hauv lub tsev tu neeg raws li lawv siab nyiam. Txoj cai no muaj feem raug txwv raws li lwm txoj cai thiab daim ntawm npaj kev pab cuam ntawm tus neeg txais kev pab hauv tsev.

7. Kev ywj pheej ntawm tus kheej.

Cov neeg tau kev pab hauv tsev muaj cai nyob ywj pheej ntawm lawv tus kheej, pib ua yam tshiab, thiab tau kev ywj pheej hauv kev txiav txim siab txog kev ua neej, teeb tsa daim ntawv qhia seb yuav ua dab tsi rau hnub ntawd thiab xaiv seb yuav nrog leej twg tham.

8. Txoj cai tswj hwm cov peev txheej.

Cov neeg txais kev pab hauv tsev muaj cai tswj lawv cov peev txheej ntawm lawv tus kheej.

9. Cov qhua thiab kev koom tes sib raug zoo.

Cov neeg tau txais kev pab muaj cai ntsib los sis txais tos qhua txhua lub sij hawm uas yog tus neeg tsev neeg, tus saib xyuas, tus tuav pov hwm nyiaj txiag, tus neeg sawv cev saib xyuas kev noj qab haus huv, tus kws li choj, tus neeg sawv cev, tus qhia kev ntseeg los sis tus qhia ua hauj lwm los sis tus neeg twg ua nws xaiv. Txoj cai no yuav txwv qee yam yog tias tsim nyog rau tus neeg kev noj qab haus huv thiab nyab xeeb thiab yog tias tau sau tseg rau hauv daim ntawv npaj kev pab cuam.

Cov neeg tau txais kev pab muaj cai mus koom zej zog tej koob tsheeb thiab tej yam dej nus ua lawv nyiam raug. Qhov no suav nrog muaj cai koom kev ua lag luam, kev ntseeg, kev sib raug zoo, hauv zej zog thiab kev ua nom tswv yam tsis muaj kev cuam tshuam thiab raws li lawv kev txiav txim siab yog tias cov dej num no tsis cuam tshuam rau lwm cov neeg tau kev pab hauv tsev cov cai.

10. Kev ntiag tug thiab kev kho mob ntiag tug.

Cov neeg tau txais kev pab muaj cai tau kev ywj pheej ntawm ntiag tug txog, kev saib xyuas lawv tus kheej, thiab kev qhia txog lawv tus kheej raws li lawv lub neej, kev sib raug zoo, kev ntseeg, thiab kev noj qab haus huv ntawm lawv kev xav. Cov neeg ua hauj lwm yuav tsum hwm tus neeg qhov chaw nyob uas yog nws ntiag tug, los ntawm kev khob qhov rooj thiab thov kev pom zoo ua ntej nkag mus rau hauv chav, txwv tsis ua li thaum muaj xwm txheej ceev los sis muaj ntawv sau tseg hauv tus neeg daim ntawv npaj kev pab cuam.

Cov neeg tau txais kev pab muaj cai muaj thiab siv qhov rooj uas xauv tau rau lawv chav. Lub chaw hauj lwm yuav tsum muab xauv rau lub chav ntawm tus neeg nyob. Tsuas yog tus neeg ua hauj lwm uas muaj ib txoj kev siv tseem ceeb xwb thiaj li nkag mus tau hauv chav nrog tus yuam sij. Txoj cai no yuav txwv qee yam yog tias tsim nyog rau tus neeg kev noj qab haus huv thiab nyab xeeb thiab yog tias tau sau tseg rau hauv daim ntawv npaj kev pab cuam.

Cov neeg tau txais kev pab muaj cai txais kev hwm thiab kev ywj pheej ntawm ntiag tug txog lawv daim ntawv npaj kev pab cuam. Kev sib tham, sab laj, kuaj mob, thiab kev kho mob poob rau qhov uas yuav tau zais cia thiab yuav tsum tau ua kom ntsiag to. Yuav tsum tau hwm lub sij hawm ntiag tug thaum tus neeg mus siv chaj dej, da dej, thiab tu lwm yam ntawm nws tus kheej, txwv tsis ua li thaum muaj xwm txheej cuam tshuam txog nws txoj kev nyab xeeb los sis nws xav tau kev pab.

11. Kev sib txuas lus ntiag tug.

Cov neeg tau txais kev pab muaj cai sib txuas lus nrog cov neeg uas lawv xaiv.

Yog lub chaw assisted living yog tus xa los sis txais tus neeg cov ntaub ntawv, lawv yuav tsum tau ua li yam uas tsis muaj kev cuam tshuam dab tsi.

Cov neeg tau txais kev pab yuav tsum muaj lub xov tooj hu tau tawm thiab txais tau xov tooj.

12. Kev ceev ntaub ntawv ntiag tug.

Cov neeg tau txais kev pab muaj cai zais lawv cov ntaub ntawv txog lawv tus kheej, nyiaj txiag, kev noj qab haus huv, thiab kev kho kom lwm tus txhob pom, thiab tsis tas li ntawd, lawv tuaj yeem pom zoo los sis tsis pom zoo tso cai tso tawm rau lwm tus neeg sab nraud saib. Cov neeg tau txais kev pab yuav tsum tau kev ceeb toom thaum muaj lwm tus neeg sab nraud thov saib cov ntaub ntawv txog lawv tus kheej.

Cov neeg tau txais kev pab muaj cai nkag mus saib lawv cov ntaub ntawv txog ntawm lawv tus kheej thiab.

13. Txoj cai muaj khoom siv thiab eb tsev.

Cov neeg tau txais kev pab muaj cai kho lawv chav nyob thiab chav pw, eb kom zoo nkauj thiab muab khoom siv rau hauv lawv chav raws li cov nqe lus ntawm daim ntawv cog lus uas lub chaw assisted living tau muab.

14. Txoj cai xaiv tus nrog nyob ua ke.

Cov neeg tau txais kev pab muaj cai xaiv tus neeg ua yuav los koom nyob ua ke yog tias lawv yuav faib chav nyob.

15. Txoj cai nrhiav zaub mov noj.

Cov neeg tau txais kev pab muaj cai nrhiav zaub mov noj txhua lub sij hawm. Txoj cai no tej zaum yuav raug txwv yog tias nws tsim nyog rau tus neeg kev noj qab haus huv thiab nyab xeeb thiab yog tias tau sau tseg rau hauv daim ntawv npaj kev pab cuam.

16. Kev siv technology.

Cov neeg tau txais kev pab muaj cai siv Internet tsuas lawv kam them tus nqi.

17. Kev tsis txaus siab thiab kev nug.

Cov neeg tau txais kev pab muaj cai xa ntawv foob thiab txais cov ntawv teb txog lawv cov lus tsis txaus siab yam uas tsis muaj kev txwv. Lawv muaj cai paub tias leej twg yog tus neeg sawv cev uas tuav cov ntawv tsis txaus siab, thiab txhua lub chaw ua hauj lwm yuav tsum muab tus neeg ntawd lub npe thiab cov ntaub ntawv tiv tauj rau.

18. Kev pab sab laj thiab sawv cev.

Cov neeg txais kev pab muaj cai tau kev pab los ntawm:

- lawv tus kws lij choj
- ib leeg neeg twg uas sawv cev tam kev tiv thaiv thiab kev sawv cev uas tau teev tseg los ntawm lub xeev txoj kev cai lij choj Code of Federal Regulations, title 45, section 1326.21; los sis
- ib leeg neeg twg uas sawv cev tam lub Office of Ombudsman rau Long-Term Care thiab lub Office of Ombudsman rau Mental Health thiab Developmental Disabilities.

19. Cov ntaub ntawv txog cov nqi them.

Ua ntej yuav pib kev pab cuam, cov neeg tau txais kev pab muaj cai tau txais kev qhia txog:

- tag nrho cov nqi vaj tsev thiab assisted living cov kev pab cuam;

- txhua yam kev txwv ntawm cov vaj tsev thiab assisted living cov kev pab cuam uas muaj;
- yog paub, tej nqi uas nws yuav tau raug them yog daim ntawv kho mob tsis pab, thiab kev pab cuam los ntawm public programs los sis lwm yam kev pab; thiab
- cov nqi uas cov neeg tau txais kev pab yuav tsum tau them ntawm nws tus kheej.

20. Cov ntaub ntawv qhia txog cov neeg uas muab kev pab cuam.

Ua ntej yuav txais kev pab cuam li teev tseg hauv daim ntawv, cov neeg tau txais kev pab muaj cai paub txog cov hom kev pab thiab cov neeg ua hauj lwm muab kev pab cuam, seb lawv yuav tuaj heev npaum li cas, thiab seb puas muaj lwm yam kev xaiv uas yuav pab tau lawv.

21. Cov ntaub ntawv hais txog lwm cov neeg muab kev pab thiab kev pab cuam.

Cov neeg tau txais kev pab muaj cai tau txais kev qhia los ntawm lawv qhov chaw nyob assisted living, ua ntej yuav kos npe rau daim ntawv cog lus, xws li hais tias muaj lwm qho kev pab cuam los sis lwm qhov chaw uas yuav pab tau lawv. Tus neeg xav tau kev pab muaj cai yuav, xaiv los sis xav tau kev pab rau lwm qho ua tsis yog nyob rau lawv qhov chaw assisted living.

22. Pawg neeg nyob.

Cov neeg tau txais kev pab muaj cai koom tes nrog pawg neeg nyob raws li tau piav qhia hauv tshooj [Minnesota Statutes, section 144G.41, subdivision 5 \(https://www.revisor.mn.gov/statutes/cite/144G.41#stat.144G.41.5\)](https://www.revisor.mn.gov/statutes/cite/144G.41#stat.144G.41.5).

23. Pawg tsev neeg.

Cov neeg tau txais kev pab muaj cai mus koom nrog pawg tsev neeg tsim los ntawm lawv tsev neeg los sis cov neeg tau txais kev pab raws li tau piav qhia hauv tshooj [Minnesota Statutes, section 144G.41, subdivision 6 \(https://www.revisor.mn.gov/statutes/cite/144G.41#stat.144G.41.6\)](https://www.revisor.mn.gov/statutes/cite/144G.41#stat.144G.41.6).

Kev Npaj Raws Txoj Cai Lij Choj

Cov cai teeb tsa hauv tshooj no yog txhawm rau cov neeg tau txais kev pab kom txhob muaj kev txwv lwm yam cai ua lawv muaj raws li txoj cai lij choj. Tsis muaj ib lub chaw twg tuaj yeem thov los sis yuam tau ib tug neeg tau txais kev pab kom nws tso tseg ib qho ntawm nws cov cai, txawm nyob rau lub sij hawm twg los yog rau lub laj thawj twg, suav nrog txoj kev uas lub chaw yuav kam lees txais tus neeg ntawd.

Kev Pab Cuam

Koj tuaj yeem tiv tauj tau koj tus neeg muab daim lais xees raws li qhia hauv qab no.

Npe ntawm tus neeg tuav daim lais xees:_____

Xov tooj:_____

Email:_____

Chaw nyob:_____

Npe thiab luag hauj lwm ntawm tus neeg tuav cov ntaub ntawv foob txog kev tsis txaus siab:_____

Las nyaj tus neeg raug kev tsim txom, kev saib tsis taus, los sis raug ntxias nyiaj siv ntawm tus neeg laus uas tsis muaj peev xwm tiv thaiv tus kheej:

Yog tias koj xav las nyaj txog tus neeg raug kev tsim txom, saib tsis taus, los sis raug ntxias nyiaj siv, koj tuaj yeem tiv tauj tau Minnesota Adult Abuse Reporting Center (MAARC).

Yog tias koj muaj ib daim ntawv tsis txaus siab txog lub chaw los sis tus neeg muab kev pab cuam rau koj, koj tuaj yeem tiv tauj tau lub Office of Health Facility Complaints, Minnesota Department of Health. Koj tuaj yeem tiv tauj tau lub Office of Ombudsman rau Long-Term Care los sis lub Office of Ombudsman rau Mental Health thiab Developmental Disabilities.

Minnesota Adult Abuse Reporting Center

(MAARC) Xov tooj: 1-844-880-1574

Yog xav paub ntxiv:

Web: [DHS Vulnerable adult protection and elder abuse \(https://mn.gov/dhs/adult-protection/\)](https://mn.gov/dhs/adult-protection/)

Rau txhua yam kev tsis txaus siab uas tsis yog kev tsim txom, saib tsis taus, los sis kev ntxias nyiaj siv ntawm tus neeg laus uas tsis muaj peev xwm tiv thaiv tus kheej, thov hu rau Office of Health Facility Complaints rau ntawm lub Minnesota Department of Health:

Minnesota Department of Health, Office of Health Facility Complaints

PO Box 64970, St. Paul, Minnesota 55164-0970

Xov tooj: 651-201-4200 los sis 1-800-369-7994

Fax: 651-281-9796

Email: health.ohfc-complaints@state.mn.us

Web: [MDH Office of Health Facility Complaints
\(https://www.health.state.mn.us/facilities/regulation/ohfc/index.html\)](https://www.health.state.mn.us/facilities/regulation/ohfc/index.html)

Kev lees paub ntawm tus neeg tau kev pab

Los ntawm kev kos npe hauv qab no, kuv lees paub tias kuv tau txais cov ntaub ntawv los ntawm kuv tus neeg muab kev pab cuam uas piav qhia txog kuv cov cai ua ib tus neeg nyob hauv lawv lub chaw nyob. Kuv kuj tau raug qhia txog tias yuav sau daim ntawv tsis txaus siab li cas los sis qhia txog kev tsim txom. Kuv kuj tau txais lub npe thiab cov ntaub ntawv tiv tauj ntawm tus neeg uas yuav tsum xa cov kev tsis txaus siab mus rau lawm thiab.

Sau npe: _____

Kos npe ntawm tus neeg yuav txais kev pab cuam: _____

Lub npe ntawm tus neeg sawv cev tam tus neeg tau kev pab hauv tsev (yog muaj): _____

Yog xav thov kev pab sawv cev, thov hu rau lub Office of Ombudsman rau Long-Term Care los sis lub Office of Ombudsman rau Mental Health thiab Developmental Disabilities:

Office Of Ombudsman rau Long-Term Care

PO Box 64971, St. Paul, MN 55164-0971

Xov tooj: 1-800-657-3591 los sis 651-431-2555

Email: MBA.OOLTC@state.mn.us

Web: [Office of Ombudsman for Long-Term Care \(https://mn.gov/ooltc/\)](https://mn.gov/ooltc/)

Office Of Ombudsman rau Mental Health thiab Developmental Disabilities:

332 Minnesota Street

Suite W1410, First National Bank Building

St. Paul, Minnesota 55101-2117

Xov tooj: 1-800-657-3506 los sis 651-757-1800

mail: Ombudsman.mhdd@state.mn.us

Web: [Office of Ombudsman for Mental Health and Developmental Disabilities \(https://mn.gov/omhdd/\)](https://mn.gov/omhdd/)

Yog xav thov kev sab laj txog kev cai lij choj, thov hu rau Mid-Minnesota Legal los sis lub Minnesota Disability Law Center:

Mid-Minnesota Legal Aid/Minnesota Disability Law Center

Kev tiv thaiv thiab Kev sawv cev

430 North Fifth Street

Suite 100

Minneapolis, Minnesota 55403

Xov tooj: 1-800-292-4150

Email: mndlc@mylegalaid.org

Web: [Mid-Minnesota Legal Aid/Minnesota Disability Law Center \(http://mylegalaid.org/\)](http://mylegalaid.org/)

Yog xav nug txog kev dag siv Medicaid los sis cov teeb meem them nqi, thov hu rau Minnesota Department of Human Services:

Minnesota Department of Human Services

Kev ntsuam xyuas thiab tswj Kev ncaj ncees

PO Box 64982,

St Paul, MN 55164-0982

Xov tooj: 1-800-657-3750 los sis 651-431-2650

Email: DHS.SIRS@state.mn.us

Yog xav nug txog cov teeb meem cuam tshuam nrog kev laus, thov hu rau Senior Linkage Line:

Minnesota Aging Pathways/Minnesota Board on Aging (yav tas los hu ua Senior Linkage Line)

540 Cedar St.

St. Paul, Minnesota 55155

Xov tooj: 1-800-333-2433

Email: aging.pathways@state.mn.us

Web: [Minnesota Aging Pathways \(https://mn.gov/aging-pathways/\)](https://mn.gov/aging-pathways/)

Yog xav nug txog kev saib xyuas neeg laus (assisted living) ntawm Minnesota Department of Health, thov tiv tauj:

Minnesota Department of Health, Health Regulation Division

P.O. Box 64970

St. Paul, Minnesota 55164-0970

Xov tooj: 651-201-4200

Email: health.assistedliving@state.mn.us

Web: [Assisted Living Licensure \(https://www.health.state.mn.us/facilities/regulation/assistedliving/\)](https://www.health.state.mn.us/facilities/regulation/assistedliving/)

Rau assisted living cov lus nug hauv Minnesota Department of Health, thov hu rau:

Minnesota Department of Health, Health Regulation Division

PO Box 64970, St. Paul, MN 55164-0970

Xov tooj: 651-201-4200

Email: health.assistedliving@state.mn.us

Web: [MDH Assisted Living \(https://www.health.state.mn.us/facilities/regulation/assistedliving/\)](https://www.health.state.mn.us/facilities/regulation/assistedliving/)

Rau cov lus nug txog Minnesota Department of Health, thov hu rau:

Minnesota Department of Health, Health Regulation Division

PO Box 64970, St. Paul, MN 55164-0970

Xov tooj: 651-201-4200

Email: health.fpc-web@health.state.mn.us

Web: [Minnesota Department of Health \(https://www.health.state.mn.us\)](https://www.health.state.mn.us)

1/1/26

Yog xav tau cov ntaub ntawv no kho ua lwm hom ntawv, hu rau: 651-201-4200.